

梁

園

風

雅

梁園風雅卷五

李空同

五言絕句

東華門偶述

銀甕爛生光
盤龍繡袂香
但知從內出
不省賜何王

大隄曲

臘月大隄邊
春風思宛然
楊枝搖白日
煙色裊金鞭

豔曲

父母愛少女女是聰明子生不識鴛鴦繡出鴛鴦
是

相和歌

美人羅帶長風吹不到地低頭采玉簪頭上玉簪
墜

正月見鴈

憶昨辭京邑相隨南鴈歸如何早春日獨見北鴻
飛

聞夜笛

五月梅花落羈魂羌笛驚孰能風月夜更聽隴頭

清

開先寺

二首

瀑峽生煙暝山杯坐不歸
籠燈過潭水疑有玉龍飛

瀑布半天上飛響落人間
莫言此潭小搖動匡廬山

江行襍詩

日出青蘋溼江渾路不分
昨宵驅雨至知是海南雲

寄都主事穆

江草喚愁生思君黃鳥鳴遙心將夜月同滿闔閭
城

送人

頗訝楓林赤無風葉自鳴來人與歸客同聽不同
情

送王生北行

朝散午門西春風起御隄上林花半發幾處早鶯
啼

七言絕句

正德元年郊祀歌

三首

壇官秉笏候金鐘
月出西南照雪峰
不向蓬萊看
五色那知天子是真龍

神來擊鼓復吹簫
一道虹飛萬丈光
閭闔清風搖
玉燭至尊獨立殿中央

金輿還內放人看
萬戶千門震地權
繡扇徐開龍
虎氣君身不動泰山安

帝京篇

山作青龍左右盤
扶桑西影拂桑乾
日月光華朝
萬國天留北海作長安

皇陵歌

皇陵疊翠倚丹霄
絳節飛光夜夜朝
千古長風吹海月
萬山松柏照空寥

聖節聞駕出塞

千官北首望龍旂
萬國車書集鳳闈
八駿穆王秋色遠
幾時親擁白狼歸

送樂清少府

鴈蕩山前海色開
樂清城在白雲隈
紅桃碧柳津津勝
笑舞歡歌處處來

贈黃州牧

黃州江比使君清
赤壁山留萬古名
黃州小兒騎

竹馬來時相送去時迎

送周判官

明鐙綠酒五花裘客舍新秋螢火流
問君不飲真何事明日出城風葉愁

送人入蜀

錦江風高生夕波蘆荻蕭蕭秋鴈多
問爾鄉關何處是巴人時唱下渝歌

嘲陸子

我今四海覓雲松南遊笑指匡廬峰
他時倘慕金光州與爾同鞭赤玉龍

晚過序公戲贈并喜徐編修緡過訪

月滿長安啼暮鴉
蹋歌今夜醉誰家
青蓮大士迎余笑
背指秋鶯度落花

夏口夜泊別友人

黃鶴樓前日欲低
漢陽城樹亂烏啼
孤舟夜泊東遊客
恨殺長江不向西

別李生

華也南來送我行
青絲挈酒玉壺輕
滕王閣下江千尺
一曲滄浪萬古情

送脩武知縣

青山盤谷繞桑麻赤水河陽接種花
琴罷吏稀簾
晝卷自看雙柏哺慈鴉

送王韜

王郎口談金虎文自稱師是紫陽君
挂帆明日忽
南去影落龍江五色雲

雲中曲送人

白登山寒低朔雲野馬黃羊各一羣
冒頓曾圍漢
天子胡兒惟說李將軍

歸途覽詠古蹟

淇門不減越江頭衛女寧論越女游
濮上春花如

梁園雅集卷五
五
錦繡桑中五月採蓮舟

白鼻騮

羽箭銀鞍白鼻騮
春日徐行蹋落花
揚鞭突入章臺去
背指垂楊問酒家

春遊曲

大道紅樓珠箔垂
風起楊花欲暮時
胡姬半醉半遮面
惱殺幽州遊冶兒

松鶴壽歌

松裊石門千仞開
天風吹鶴下瑤臺
傳書爲問西王母
別後蟠桃熟幾迴

夷門十月歌

小麥青青水半陂
半落不落楊柳枝
回風忽送天南鴈
恰似春江二月時

潯陽歌

百尺高樓橫映江
江花朵朵照成雙
風波隔浦遙相喚
腸斷南來北去艣

汴中元夕

二首

中山孺子倚新妝
鄭女燕姬獨擅場
齊唱憲王春樂府
金梁橋外月如霜

細雨春燈夜色新
酒樓花市不勝春
和風欲動千

梁園風雅卷五
門月醉殺東西南北人

六言

明山草亭

舊業門前五柳綠
橘黃柑數畝
煙霞不負閒身社
稷空餘白首看
月天柱峰頭採藥
洞庭湖口扁舟
薄暮歸來疑是滄波釣叟

梁園風雅卷五

梁園風雅目錄

何大復

樂府

十八首

五言古詩

七十一首

七言歌行

四十四首

五言律詩

七十四首

五言排律

八首

七言律詩

四十六首

七言排律

二首

五言絕句

二十六首

六言律詩

二首

六言絕句

三首

七言絕句

二十六首

梁園風雅卷六

雍丘趙彥

東郡汪元范明生校

何大復

樂府

羅女曲

羅女年十五自矜好顏色山葉雜山花插髻當首
飾蠻方立門戶男女多生涯昨聞城中市女出男
在家上市買黃絲染緝作花布裙短衫袖長不惜
雙脚露夜行山中道何處吹蘆笙我歌連臂曲曲

樂園集卷之四
罷動卽情動卽情與卽匹生女復長男三年始同
室

關山月

關山月夜照青海頭白骨征人怨紅顏少婦愁少
婦含嚔望月來月明流影洞房開歲暮機中縑素
出夜寒燈下剪刀催年年搗衣明月秋明月還隨
隴水流閨裏空教看破鏡沙場不見大刀頭

明妃引

明妃絕色世無鄰粉黛那數三千人咫尺宮門接
前殿君王只向圖中見當時自恃如花容美醜誰

知由画工單于日近漢日遠萬里風沙魂不返琵琶馬上再三彈翠袖朝啼關塞寒皓齒明眸葬胡地千秋遺曲猶悲酸燕支暮雲白浩浩胡兒吹笳雪飛早山前孤冢高嵯峨歲歲春風長青艸古來抱節本難遇况復娥眉人所妬君不見長門宮不用黃金買詞賦縱有朱顏君不顧

采蓮曲

二首

青荷畫舒白露晞朱光照耀含素蕤綠房翠蓋偃參差紅妝皓腕映漣漪齊聲一氣歌豔詞桂舟蘭楫紛屢移佳人羅帶宜風吹

岸上有柳隰中有荷舟中女兒勝吳娥爲君先唱
綠水歌起攬長帶垂纖羅鴛鴦雙棲翡翠過下渚
日暮多風波葉密花稀愁奈何

獨漉篇

獨漉獨漉驅車折軸不畏折軸但畏車覆芄芃者
猶生彼中衢雖有蘭蕙當門則鉏同行竊金相顧
道左我實不知彼則畏我食荼知苦食梅知酸狐
裘之敝可以禦寒有虎斑斑伏於林下我欲射虎
媿無勁弩肅彼北風渡彼中流豈不懷憂與子同
舟

白紵歌

三首

千金買笑萬金買歌明珠白璧豈足多長綰窈窕
揚秀蛾輕身起舞垂纖羅悲絃急管鳴相和二星
低戶月流波銀箭金壺奈夜何

吳娥白紵爲舞衣鏤花綴葉紛葳蕤青春爛熳白
日輝輕帶一舉長袖施皎如流霞隨風飛游龍宛
轉翔鵲迴傾城絕代人共希

手中色絲舊所治青紅碧綠當自知衆中不語心
向誰感君厚恩私念之東流之水不西馳泰山在
前不可移紅顏白首奚足辭

行路難

二首

牀有織綺篋有織素請君視綺還視素憐新不如
莫棄故罇中有酒盤有餐聽我爲歌行路難衆中
歡樂多志氣豈知他人不得意白日有時不照地
安得保君常不棄

天河熒熒西北轉織女牽牛不相見由來天上亦
別離何怪人間有悲怨世情磷薄惡衰賤駕車騎
馬有人羨少年不得君愛惜紅顏勝人亦何益

車遥遥

寒雞喔喔知夜半鄰翁春梁婦炊飯僕夫聞雞趨

車起欲明未明行十里火輪飛出扶桑霞羲和騎
龍鞭日車君看日亦無閒時我車安得常在家

瑶瑟怨

美人竹間亭虛簾空月華相思湘江曲淚竹生斑
花花開爲誰好花落不復掃出戶見春風低頭怨
芳草坐彈五十絃起視江月殘愁絃不堪聽手澀
金鴈寒一彈正淒切再彈轉嗚咽三彈撥幽腸聲
亂冰絲結西風吹芙蓉一夜落舊紅豈知瑶瑟音
能消青鏡容

黃頭郎

黃頭郎爾母侮殿上天子憐府中丞相怒爾雖有
銅山運去銅如土黃頭郎爾母侮

竹枝詞

十二峰頭秋草荒冷煙寒月過瞿塘青楓江上孤
舟客不聽猿聲亦斷腸

處州別駕行

處之地山水迴處州別駕賢且才別駕來郵吏馳
騎連連鼓雷雷城門大開別駕來別駕來御駟馬
雙麾在前高蓋娜娜入有列戟出有負弩吁嗟別
駕才且武江之水去悠悠兩帆揚別駕舟處人來

迎申人留嗟別駕安以適彼安以去我

易水行

寒風夕吹易水波漸離擊筑荆卿歌白衣灑淚當
祖路日落登車去不顧秦王殿上開地圖舞陽色
阻那敢呼手持匕首摘銅柱事已不成空罵倨噫
嗟嗟燕丹寡謀當滅身光也自刎何足云惜哉枉
殺樊將軍

潘節婦

二十君辭房六十妾在堂紅顏爲婦白首孀昔日
抱女今已亡風火炎煙黑鄰里相救失顏色未亡

之人安所從義不避火天返風噫嗟嗟妾雖有身
君無子身未化石心不死

五言古詩

自武陵至沅陵道中雜詩

四首

亭午入大谷烈陽經中天樹木多鬱蒸石圻起焦
煙掘地飲我馬數尺不得泉僕夫告饑渴揮汗墮
馬前安得萬間厦坐使清風延

驅馬山上行山高何巍巍修阪接飛翼百步仍九
迴俛視煙靄中衆山鬱何壘茫然望四海萬物亦
已衰昔我別京國朱華猶未希歲節忽復易何時

當旋歸

山深多樹木百里人民稀時有四五家茅茨隔山
陂沙田不可耕何以禦歲饑門前數畝園祇收蓬
與藜平明出汲澗薄暮始得炊童稚那敢出但畏
逢虎羆草黃納晚禾桑綠催官絲嗟爾遠方人辛
苦誰具知

山勢形轉促連峰相貫輸窈然林莽中乃復得坦
途青壁結煙靄縹緲凌虛無層阿秀嘉禾下覆清
水渠夙志好幽僻覽茲耳目娛公車雖少延顧盼
忽已踰安得鼓清瑟日坐山之隅

平越

清晨發平越霧暗山益密僕夫各相戒路遠恐迷
失薄午游氣清參差衆峰出雞鳴谿谷中始見崖
上日雲葉分杳冥高原被華實秋風起叢林興感
乃非一悠悠遠行遊歷險難具述

平壩城南村

二首

秋陰結林霏細雨灑茅室牧放止近郊牛羊不相
失廣園散花林平疇藹風日長幼不出門咸知戀
儔匹喧喧車馬中徒爲慕高秩懸輿當何時可使
志願畢

沉沉古陂水日暮寒更綠隔陂見居人羅蔓纏草
屋摘禾留客飯採薪發秋木童稚持竹竿雨中放
雞鷺區區化外國猶得覩淳樸

城南婦行

城南有寡婦見客泣數行自言良家女少小藏閨
房青春嬌素手白日照紅妝父母偏見憐嫁我不
出鄉前年彌魯亂腥穢入我堂弟兄各戰死親戚
俱陣亡嗟哉華豔質忍恥罹兇強憂愁雲髮變辛
苦朱顏傷昨聞故夫在消息通兩方百金贖我身
三年歸舊疆歸來門巷異人少蓬蒿長轉盼夫亦

死兒女空在傍薄田無耕犢寒臘無完裳人生固有命妾獨遭此殃況復官軍至燒焚廬井荒主將貪賄賂百死不一償朝廷自有法出師亦有名妾身何足道無乃乖天常

發京邑

二首

弱冠遊皇邑抽翰預時髦出入承明地四海皆同袍浮歲奄七徂徇名虛所遭夙疴糾纖質徧性憚形勞駕言返初服行矣遂林臯轉蓬戀本根羈鳥思故巢自顧無修翼安能久遊遨

親交遠集送欽策西山陰前瞻太行道却顧上苑

林青陽藹廢墟春氣感鳴禽所遇豈殊故即事自成
今平時等榮樂一旦異浮沉昔者同袍友邈若
辰與參山海去靡極年運日相尋倉卒杯酒間寧
不傷離襟

還至別業

二首

雞鳴高樹杪狗吠墟里間家人望車徒遠客造門
端入門問所親上堂叙悲歡行人暮饑渴秉燭具
盤餐明月照西戶三星爛中天出門踐野草白露
倏已溥十年苦行役茲夕方來旋寧知非夢寐忽
忽心未安

詰晨親友至筐榼攜所需各言平生歡念子久離
居綢繆語未畢展席臨前除園榮亦已抽況有盤
中魚人情倦懷土富貴豈常於無爲泥形迹所願
恒相俱

雜詩

二首

西陸移修晷素節多寒陰端居屏營慮淒氣慘人
心浮颺委時卉零露傷青林仰見孤雌翔玄鳥無
遺音蟋蟀何愁苦終夜長哀吟感物興慨歎憂思
孰能任

馳輝在西山返景流東隅羣欣被光灼何能待須

史重陰肅萬物樹木日夜疎叢蕙植幽閨含榮耀
前除佳人眇雲端何由致區區常恐霜霰至委棄
不我需

王檢討九思

王君青雲姿志豈屑丘壑名家出杜鄴少日遊宛
洛奮身匹文鵠戢羽翼鸞閣興文燭雕龍揮翰凌
玄鶴雅志在四海隨時偃經略馳情寄謝眺日晏
吟紅藥

康脩撰海

矯矯龍頭士騰躍在明時羣遊慕豪放棲志固有

期赤驥鳴煙霄不受黃金羈揮毫御清宴浩思隨
風飛鐙前激高倡顧盼孰與希究古摘遺編頗好
班馬辭良史久無稱斯文當在茲

何編修塘

中州產名俊河內天下士平生飽藜藿學道歷壯
齒至樸斂華蔚徽文陋雕綺守淵安可窺馳辯詎
能止洞悟超先機微言析玄理曲高難爲和行獨
寡知己古轍多蓁蕪非君誰子起

李戶部夢陽

李子振大雅超駕百世前著書薄子雲作賦追屈

原新章益偉麗一一鸞鳳騫華星錯秋空燭火難
爲然摘文固無匹投義罕比肩抗志冀陳力危言
獲罪愆握瑜不得售寶棄誰爲憐仲舒貶膠西賈
生亦南遷古來有遺憤非君獨哀歎

十三夜對月

閒居愛明月良節復與俱金魄麗秋闌皓彩揚雲
衢澄空歛霜煙清飈蕩中區徘徊廣庭內改席臨
方除顧景怵衷慮興心念居諸天道遞消長戒之
在須臾懷謙可久安盛滿豈恒居孰云質靡盈所
貴光不渝

十四夜同清溪子對月

林塘枉佳客待月欣舉觴今夕勝昨夕已見生東方
離離絳霄側冉冉素雲揚踰時灝氣徹縣耀天中央
仰視渺難即忽覓在我傍清池含微波左右浥流光
月行固當望人會何能常與子各鄉域邂逅臨此堂
良時不屢值明月安可忘醉歌荅永夕和我窈窕章

十七夜月

夕望月已減雲飈蕩其側月減不足憂盈虛本相值
胡爲蔽氛霾坐使清光匿踟躕久延待慘景鬱

無色燈前理鳴絃
瑤徽爲誰拭
思我平生友道遠
不可即
素書委篋笥
安得雲中翼
滄海多波濤
長陰浩難測
何當廣餘輝
一照萬里域

擣衣

涼飈吹閨闥
夕露淒錦衾
言念無衣客
歲暮芳寒侵
皓腕約長袖
雅步飾鳴金
寒機裂霜素
繁杵叩清砧
哀音緣雲發
斷響隨風沉
顧影惜流月
仰盼悲橫參
路長魂屢徂
夜久力不任
君子萬里身
賤妾萬里心
燈前擇妙匹
運思一何深
裁以金剪刀
縫以素絲鍼
願爲合歡帶
得傍君衣襟

贈望之

二首

清晨送達人，弭駕北城隈。北城一何修，前臨古時臺。俛仰故鄉域，一如平生懷。季冬嚴風發，積雪皓皚皚。念子徂遠路，鬱結不能開。中林寒卉寂，樹木何摧頽。安得春華敷，采掇以相貽。

昔子當北徂，值子復南旋。相違踰幾時，世事倏推遷。訪舊半存亡，誰能不摧頽。浮雲歲暮征，餘曜銜西山。居人念川塗，行子戀鄉關。平生雙龍劍，乖別何時還。志士重明德，窮達奚足歎。願君勗令名，相期在盛年。

除夜

今夕復何夕，偃仰茲歲周。
懸膏耀室隅，中饋進芳饈。
雖無車馬客，親戚自相酬。
遊魚安深淵，翔鳥止故丘。
所歡在桑梓，餘者何復求。
逝節不重至，來者難預謀。
長跪奉此爵，延年樂千秋。

豔曲

四首

御溝連上苑，大道接平沙。
紫陌三千騎，青樓十萬家。
城中楊柳樹，風起暮飛花。

秦氏字羅敷，馮家名子都。
妝成臨勸酒，曲罷坐當壚。
白馬金吾子，青絲提玉壺。

明姿稱二八生長紫羅幃對客舞垂手邀人看畫
睂今朝仲春日照影臨芳池

粲粲東城子盈盈南陌姝自矜夫婿貴翻笑使君
愚日暮採桑去空迴五馬車

擬古詩

九首

冉冉歲逾邁念君長別離別離在萬里道遠行不
歸鵲鵲慕儔匹鷺鳥東西飛思展雙羽翼奮起凌
天涯向風長哀吟欲舉中徘徊川途浩無軌霜雪
愴以悲願因駐馳景得覲君光儀

婉孌城東姝懷春一何早朝遊採桑陌暮止垂楊

道自矜全盛時復恃顏色好玉貌隨年化安得不
枯槁昔爲園中英今爲路傍草路傍多車馬採掇
難自保

名都有高樓上入青雲端脩城延曲隅阿閣交重
欄佳人理清曲當戶橫朱絃揚音綵霞裏令顏誰
不觀賓客會四座絲竹哀且繁日中車馬至薄暮
皆言還聽曲各言好知音良獨難誰爲同心人並
起乘雙鸞

朝日照中庭杲杲春載陽東風吹綠草蝴蝶雙飛
揚歲華坐婉婉白露潛以傷子美不在茲所懷浩

難忘豈無芳桂枝含香誰爲明

淒淒仲秋日百卉腓以殘涼風入階樹零露摧庭
蘭明月皎東壁昆虫鳴草間孤鴻暮安適哀音揚
雲端言眷平生友振翮起孤鶩遺我若逝波望子
如高山托忱在終始蓄久諒逾宣寸心不可移磐
石誰謂堅

鬱鬱山上松高枝布天涯上有女蘿草纏綿誓不
移葛生蒙於楚浮萍寄清池貴賤雖殊途附託各
有宜伊昔侍君子朝夕奉恩私馳心在皓首何意
中睽離竊年守房室常恐踰良時思君如日月所

冀光不遺

圓如天上月光輝尚當缺與君非一身安能不乖
別關山日悠遠舉步難可越君如雙車輪妾心如
車轍相隨萬里去繞繞何時絕

歲暮寒風至蟋蟀夜鳴悲高樓有思婦歎息不

怡良人行未適孤妾守空閨衾裯卷不寢羅帷誰
爲施君如東流水妾如西馳暉形勢不相及彼此
何由諧結髮重自念攜手期同歸秋華殞故林尚
復揚光輝顧茲各努力毋忘榮盛時迢迢孟冬夜
悲風鳴北林嚴霜被野草宛轉時欲沉佳人久隔

越曠若辰與參方舟不利涉欲往江湖深客從南
方至遺我綠綺琴願因雲中翼寄子瑤華音膠漆
不爲固金石安足諶明義苟不虧沒齒當一心
青鳥來北方徘徊朝南翔美人傳書至開緘爛生
光貽我機中錦宛轉成文章上織比目魚下織雙
鴛鴦物厚意不薄感激獨徬徨裁爲袞與裯置在
黃金牀君子不爲御三歲聞馨香一心奉光惠常
恐君遺忘

贈別孟望之

二首

束髮事交結白首以爲期以茲女蘿質託彼青松

枝重聚故鄉園殷勤慰我私忽復達行邁况值秋
風時我有一罇酒送君瀝水涯酒酣思無極臨岐
理桐絲誰知清商苦一彈一生悲

迢迢望夏口肅肅戒僕夫金飈吹明星行李已屆
途親戚各相送萬里在斯須喈喈中林鳥日出相
鳴呼人生各有役安能長相娛

遊西山

清晨命子駕飄飄達遊邁願言歷嶇嶇况此春華
在林條紛可結石秀行當采道逢諧俗士謂予爾
何隘人命未可期河清詎能待縱羽思山林潛鱗

慕江海富貴人所欲吾志不可改

悼亡

皎皎機中絹拂拭明如雪裁爲雙中衣羅帶紛綰
結親持向我前與我言結髮豈足佩下體聊以奉
娛悅執此百年心歎息一朝絕人故物自留欲視
不忍發藏之篋笥中餘香日以歇

贈李獻吉

三首

西方有佳士於世寡所諧橫風整修翰倏忽超九
達天門限重關屢扣闔者辭濟濟列仙子冠裳競
追隨青雲蔽閭闔仰視何逶迤皎日匿西陸馳光

難遽回世無魯陽子坐惜朱顏衰

東風吹我衣白日何杲杲整駕出郭門修塗浩橫
潦登山采幽蘭日暮不盈抱采之欲何爲遺我平
生好豈無豔陽花言子好香草丈夫有本性安得
不自保寸心苟不移可以鑒穹昊

烈女守閨室憂日懷寸陰橫琴寫妙曲繁商激陽
林悠悠行路子誰爲識其音人生處世間貴在相
知心所以采薇士甘餓西山岑

荅獻吉

吾君古堯舜垂袞蓬萊宮止輦受羣善小大必有

容緬懷燕郇子悲號訴蒼穹彼蒼亦何神五月飛
霜風至誠變金石何懼不感通

遊魯山城南舍

溪行日亭午暑氣稍見侵脫巾坐芳草前有嘉樹
林白雲澹清景綠葉垂繁陰喜無鳴蟬聒幸有好
鳥吟久厭區中緣撫茲意彌深浩歌荅良友聊用
開吾襟

中秋十七夜留康德涵飲

飄風會浮雲白曜奄西藏羈人惜短晷眷此秋夜
長長夜無與晤所懷浩難忘君子枉光駕嫵婉情

未央披軒待流月展轉錯華觴臨觴慘不御對景
久徬徨鬱霧暖庭陰黯黯如降霜流波委頽魄茲
歲漸以更消長互相謝盛滿安可常勗哉君子心
謙謙道彌光

詠懷

四首

北陸無淹晷歲邁陰已長攝衣起中夜凜凜悲嚴
霜明月麗高隅繁宿縱以橫徘徊仰天漢惋彼參
與商形影永乖隔萬里徒相望

烈炎灼崑岡乃辨金石堅金石有恒性銷鑠詎能
遷薪樗莫傷桂刈蕭毋及蘭薰猶不同器清濁本

殊源君覩高翔翼卑棲非所安

寂寂沅湘流長江上有楓青蕙綠廣隰綠蘅被洲
中揚舲泝煙沚遙瞻二妃宮二妃何婉孌舉馨振
微風解珮遺下女將以明我衷光采不易合精誠
渺難通浮雲蔽江臯白日忽已晚還顧蒼梧原何
時翠華返

白玉本自白蒼蠅亂其真讒言解膠漆况匪平生
親烈士死道傍貪夫登要津自古皆有然茲恨何
當申蓬丘渺煙霧貝宮鬱嶙峋列仙如可期吾將
躡清塵

贈邊子

二首

同車越梁晉覽歷多古疆紆遲衛流汭轉盼淇水
陽感來意不淺道故言已長辛勤眷途語愴惻悲
別章

懽聚理無恒悲離情有傷况茲征途間詎能久相
將浮雲興歲暮素雪翳晨光揮手自茲別後期應
毋忘

贈望之

二首

娟娟孤生楊迢迢河水汭平生骨肉親婉孌相諧
悅思心起歡燕何況當乖別浮萍寄清流聚散有

樂府集卷之六
歡懌與子同枝葉胡爲忍離闊
媿匪根與株莫能相固結
德人重行義志士輕訣絕
慎子萬里軀慰我長饑渴

良時不克俱悠悠子行邁行邁之何方乃在萬里外
泛舟涉江湘道遠阻湍瀨我心思桂林倚立增歎慨
河清豈無期奈此日月逝所願芳未歇及茲采荃蕙

出城贈韓子

晨車去遙遙將子城之隅
城隅何所有有荷復有蒲
念當與子別思心立踟躕
他人豈無友非子誰

爲娛折荷勿涉水
涉水濡子車
安得瓊瑤華
採掇爲子需

贈田子

蒼蒼季冬夕
積雪委中衢
三星出東戶
纖月揚西隅
主人樂行觴
衆賓且停車
何況平生友
夙昔共歡娛
慘惻高堂上
爲子重踟蹰
山川緬以邈
岐路在須臾
出門慎自愛
慰我恒相於

七夕劉子緯宅次君卿韻

良時屆今夕
歡遽諧茲方
流飈委芳卉
清池激微涼
仰觀牛女星
熒熒河漢傍
纖月揚西隅
浮雲起

中央合離一以愴明晦古難量繫子塲下駒慰我
長思望

贈君采效何遜

三首

霜空雁絕響風庭葉罷飛念爾別離日淒然芳歲
微城隅明星晝曉闌殘月輝不見攜手好宵行誰
與歸

平生寡所諧與子中邂逅譙語殊未厭絃柱促離
奏目斷川上雲念攢天邊岫河山邈以綿佇立阻
懽觀

歲晏客來歸車馬一何亂新妝下機笑白髮倚門

看未俟春林敷且玩冬花燦閒居有徽音儻付雲
中翰

古怨詩 三首

抗義一何明結志誓不解對面有背棄何言萬里
外陟疆朝采葑陟畛暮采菲所重在德音容色安
足恃

白玉雖光輝瑕疵在其內徒看色笑親詎識肝膽
異勢奪恩愛移交離讒毀至棄捐豈我傷卑薄乖
情義

寸心抱貞固投一安有它詎知所同懼散聚倏朝

霞昔爲山上石今爲浪中沙孰云無轉移漂蕩令
心嗟

送劉御史按淮揚諸郡

臺臣今按地聖祖舊開疆白雲萬里來千載還帝
鄉伊昔草昧初血戰塵茫茫一馬渡天塹六龍飛
淮揚堯階起三尺禹蹟遺八荒江海控形勢邦家
存紀綱遐哉百年餘世變隳其常城社穴狐鼠當
途走豺狼君埋都亭輪再覩司隸章述職屬茲歲
巡狩代我王泛舟淮泗急褰幕風日涼鷹隼在寥
闊一擊乘秋霜

送崔氏 二首

結髮與君友附驥思一鳴君子揚休景邁世垂榮
名伊余守屯蹇學宦寡所成握瑜俟知已知已誰
爲明良時展嫵婉之子復遠行衝飈起閭闔浮雲
翳太清層城羅宮殿躍馬振綏纓長嘯歌五噫投
策出漢京慨念古人士去之一何輕終焉從子逝
富貴非我營

飄飄山上葛纍纍田中瓠苟非同根蒂纏綿安得
固人情易反復結交有新故嗟哉夙昔好乖棄在
中路明珠倘無因按劍不我顧深言匪由衷白首

爲所誤亮君勗恒德永副平生慕

夏夜薛子宅

飄風激疎牖飛雨散高庭白雲蔭華月青天垂列
星寨裳望西苑園樹發青熒陰館辟炎埃峻檻臨
巖亭泠泠朱夏井肅肅玄夜扃披霧聆霏談逍遙
暢神形遊心娛竹素此樂誠可經

姜子嶺至三岔

出嶺上雲霓入谿下煙嵐高高不可極杳杳詎能
探朱崖秀夏木石壁映寒潭千秋覽蔥蒨百丈窺
澄涵崩奔谷響赴隱曜川光含登陟力不辭險阻

情已諳潛淵羨垂綸越嶽思停驂振策岷峨西楊
帆江漢南臨深匪忘懼履坦但懷慙

梁園風雅卷六

梁園風雅卷七

何大復

七言歌行

乞巧行

鵲橋崔魏何宛轉織女牽牛夜相見岳陽女兒迎
七夕乞巧樓高高百尺華燈明月光窈窕結綵蟠
花綺羅繞富家女兒恃嬌小年年乞巧不得巧貧
家女巧世所稀只爲他人縫嫁衣須臾露濕金剪
刀雙星漸沒河漸高人間天上兩迢迢步韞仙裙
空寂寥君不見古來巧拙何足語歲歲樓前競兒

女

津市打魚歌

大船峨峨繫江岸
鮎魴鰱鰻收百萬
小船取速不取多
往來拋網如擲梭
野人無船住水滸
織竹爲梁數如畧
夜來水長沒沙背
津市家家有魚賣
江邊酒樓燕估客
割髻斫膾不論百
楚姬玉手揮霜刀
雪花錯落金盤高
鄰家思婦清晨起
買得蘭江一雙鯉
篋篋紅尾三尺長
操刀具案不忍傷
呼童放鯉漈波去
寄我素書向郎處

流螢篇

廣儲六月清無暑流螢暗逐薰風舉始見昏連萬
戶星更看夜照千門雨千門萬戶競高低拂檻縈
廊亂復齊碧莎映水光初迴綠柳棲煙影乍迷水
光煙影飛還歇肯使炎精易淪滅帶火終須避太
陽含輝却自親流月長信宮中一葉秋玉堦金閣
見螢流貴嬪羅扇開香篋侍女珠簾捲畫樓誰家
怨婦縫縑素當窗忽見流螢度蟋蟀牀空寶瑟寒
鴛鴦機暗孤燈暮螢飛螢度自年年却笑明珠按
劍前莫言腐草無生意莫道寒灰不再然還將斥
鷃鷃鵬語三復莊生第一篇

聽琴篇

美人橫琴坐我堂
酒闌爲鼓三四行
燈孤月明客不發
絃悲調急秋夜長
吾家瑤琴久不拭
金徽玉軫無顏色
感君對此如有情
一彈使我三歎息
樵歌響答山澗幽
楚歌慷慨雲夜愁
瀟湘倚蘭稍平逸
四座但覺清商流
始聞白雪停翠竹
烈飈吹我溪上屋
忽然翻作廣寒遊
知是霓裳羽衣曲
含宮移羽何春容
泠泠萬壑吟松風
煙岑一夕怨鳴鶴
江天何處驚蟠龍
我初好音惟好此
橫笛短簫徒聒耳
平生頗抱鍾期懷
四海難逢伯牙子
今夕何

夕願不違爲君擊節淚沾衣
高歌雅和人世稀
河轉參橫君莫歸

觀打魚用東坡韻

大魚跳波如擲塊
溪日溶溶照金背
小魚呬沫沿岸行
潛向沙邊翻荇蒂
家僮舉網欣得鮮
持向庖丁割爲膾
磁甕始見紅尾搖
霜刃旋看錦鱗碎
我雖愛此不忍食
悔不先教放溪瀨
自愛含生天地間
寧知失意波濤外
嗟哉小物尚有然
人間得喪誰能會
君不見鯢與鯨
釣者持綸空爾思
倏忽乘雲下滄海

孤雁篇

孤雁北來來幾時窮冬無侶鳴聲悲雲長路渺去
安極日暮天寒飛更遲洞庭瀟湘落秋水苦竹黃
蘆一千里清怨時從鳴笛生斷行暮逐哀箏起塵
沙關塞愁轉蓬隨風且落江湖中微軀幸免庖人
俎短翮長辭獵士弓君不見隴山鸚鵡解人語一
生自恨黃金籠

白雪篇

玄飈作雪龍沙窟萬里吹花度南麓千門九衢堆
已遍翠崖丹壑沾應足曙輝寒素積崔嵬中天照

耀瓊瑶臺羲和不知六龍在仙人遙乘萬鶴來依
樓傍檻墜深院輕羅白紵誰曾見已將弱舞關迴
風未遣明姿讓流霞城中車馬不動塵党家金帳
暖圍春豈知窮巷衡門裏亦有當時高臥人

歲晏行

舊歲已晏新歲逼山城雪飛北風烈徭夫河邊行
且哭沙寒水冰凍傷骨長官號叫吏馳突府帖連
催築河卒一年徵求不少蠲貧家賣男富賣田白
金縱有非地產一兩已值千銅錢往時人家有儲
粟今歲人家飯不足饑鶴翻飛不畏人老鴉鳴噪

日近屋生男長成聚比鄰生女落地思嫁人官家
私家各有務百歲豈止療一身近聞狐兔亦徵及
列網持螯徧山域野人知田不知獵蓬矢桑弓射
不得吁嗟今昔豈異情昔時新年歌滿城明朝亦
是新年到北舍東鄰聞哭聲

垓下行

咸陽原上失秦鹿戍夫入關競馳逐君王自負十
尺軀傍人更訝重瞳目橫行按劍一何威叱咤四
海隨指揮諸侯西向受金印壯士東歸盡錦衣陰
陵道中夜失援垓下孤軍獨迎戰百萬王師來震

天八千子弟隨飛電自言百戰當一身寧知一敗
損威神美人帳下看無主駿馬江邊棄與人楚歌
聲高暮雲佇孤燈對酒慘不語蓋世英雄力拔山
一夕悲哀淚如雨君不見三軍縞素行負戈烏江
不渡愁風波古來失道衆所棄父老雖憐將奈何
長歌行贈旺兄

兄爲吾祖之長孫能將孝義持家門耕鑿不隨時
俗改衣冠頗有古風存我家東岡舊鄉土穀有田
場桑有圃諸弟誼譁逐城市兄也蕭條守環堵僕
僮馴雅妻更良男女膝下皆成行女長適人止近

里男大爲農不出鄉只今汝年六十七我翁爲叔
汝爲姪歲時相看如父子登堂過庭禮不失弟昔
省兄盡兄歡夜秉燈燭羅杯盤兄前勸飲嫂勸餐
留我一月相盤桓自從離兄仕都下都城誰是悠
悠者萬戶清晨霜滿裘九衢白晝塵隨馬朱門金
鎖午未開我曹不敢騎馬回此時吾兄正穩臥日
高戶外無人催愛兄好靜謝塵網一卷道書常在
掌託身未肯附年少舉手何曾揖官長頃來生事
日看微種麻自織身上衣少兒從學長幹蠱我兄
心中無是非君不見人間歲月坐相迫胡爲東城

復南陌兄今已作白頭翁弟亦長辭青瑣客山中
桂樹况逢春谷口桃花更照人花前樹下一壺酒
弟勸兄酬不畏貧

孤鶴篇

我家孤鶴李侯贈霜儀皎潔三尺高向人似矜短
羽翼失侶豈免長呼號赤霄青雲暮延佇天長路
遠飛不去日來秋塘啄苦蓼時向空墻倚修樹憶
昔初在山人家雌雄和鳴閑且嘉夜寒對舞庭中
月日暮雙棲嶺上霞李侯平生重幽德致此遠自
東吳國金櫳玉檻脫相送異種奇毛惜不得一自

天涯失舊行垂頭戢羽空傍徨朝聞橫笛音相和
夕對鳴絃影自傷荒堦雨濕多泥滓毛翮摧頽風
不起奮迅那推一鶚先昂藏且在羣雞裏吁嗟人
世是還非華表千年更一歸蓬萊宮內青瑤樹會
接文鵠比冀飛

寄李崆峒

黃河臘月冰十丈縱有鯉魚那得上楚天鴻雁避
霜雪未得逢春難北向康王城邊沙草曛梁王臺
上多暮雲野人歲晚誰相對桐柏山中空憶君

官倉行

長棘周袤三丈垣高門鐵鎖絨兩關黃鬢畫衫下
厰吏白板朱書十行字帳前喧呼朝不休剪旌分
隊聽唱籌富家得粟堆如丘大車檻檻服兩牛鄉
間餓夫立墻下稍欲近前遭吏罵

古峰画梅歌

空江月墮孤山曉直榦橫枝疎更好夜來夢破碧
窻虛殘雪半庭寒不掃小橋水淺影初斜野徑風
清香未老霜魂月魄獨傳停玉骨冰肌自枯槁溪
頭數點瘦花明塢雲漠漠林煙渺逋翁湖山詩思
閑寂寂柴門春醉倒山亭晝午鶴飛還一聲長笛

江門悄

隴右行送徐少叅

隴右地長安西行一千里秦日長城號塞垣漢時
故郡稱天水聖朝掃盪無烽煙射獵之地爲桑田
熟羌賣馬常入塞將軍遊騎不出邊知君風采古
遺愛揚策傳符度關內父老三秦望節來犬戎諸
夷遮馬拜開藩分道鎮邊塵居守巡行歷幾春熊
軾朱幡今岳伯豸冠白筆舊臺臣瓦亭之西半山
谷土室陰陰連板屋落月孤城清渭源寒雲古磧
黃河曲十年此地曾遊歌別來風物今如何竹花

秋臨鳥鼠穴楊葉夕渡魚龍波回看萬里風雲色
少小趨庭淚沾臆相送悲吟不盡情關山隴坂高
無極

三清山人歌

山人佩劒冠遠遊腰間鞶囊垂虎頭七星照耀金
銀鈎東行策杖指廬霍逝將滄海尋丹丘三清西
南龍虎連攢峰疊翠盤石蓮千崖萬壑不可以徑
度玉梁倒挂銀河前青蜺下望憑雲煙石壁中開
日月懸旁通七十二福地白玉樓臺羅洞天此中
棲身煉大藥寶笈靈書啓五岳騎鹿時見南斗君

三才圖會卷之六
聞笙夜候候山鶴我今遊目送冥鴻欲訪名山入
越中飛梁萬丈倘可接共爾青天躡彩虹

石齋歌

濯錦江中錦爲水白石粼粼映江底江頭齋閣石
嵯峨卜築題名總因此崖撐壑拄盤天地產秀生
神豈人意日月宵通濫瀕根風雲晝吐岷峨氣明
公少年天下奇琅玕五色動光輝扶疎太華仙人
掌照耀銀河織女機明堂大厦要梁棟不獨文章
翰林重懸磬真諧韶濩音國琛果獻珪璋用公登
雲閣望雲林霄漢長歌白石吟功成思袖補天手

力在寧忘障海心衛公德業懷應滿李相風流今
不遠海內完名已玉成平生貞志同金斷萬里橋
邊綠竹園百花潭畔平泉館待公一起慰蒼生還
臥西山未應晚

五馬行

使君五馬來月氏方瞳夾鏡光離離長身峻耳高
七尺錦雲罕地玉花赤杏韉蹙雙盤龍文羈翠
刻金玲瓏青絲遊韁綰不住鐵色蹄翻錦苔地天
閑沙苑貯幾時一朝分賜使君騎使君行春常露
冕緩鞚張油下山縣朱文露網動輕車四野人家

望通憶去年來時楚江秋長鞭馳過黃鶴樓楚城
駿馬千萬匹解鞍坐視不敢儔今年朝天入五鳳
紅纓寶玦連錢重曉隨鸞聲撼玉珂九陌風微塵
不動天子命下巡吾州輝光重整金絡頭吁嗟吾
州本狹促迤徑寧當千里足行行前駕肅且閑郡
人遙望雙旌竿駢道父老應開顏區區孤豕誰敢
前桑條吐葉青鬱鬱滿路春塵繞車轂使君不惜
驅馳勞無令暴吏登民屋出門一送五馬行我馬
踟躕皆不鳴相逢同是他鄉客惆悵城邊暮春別
山亭草色細雨時野館梨花寒食節夕陽微微鄴

城樹寒煙漠漠淮川月願言努力策霜蹄千金重
有登臺期

崔生行

并序

子之至京師也友人崔太史子鍾見之曰久
不聞子言矣爲我作崔生行

崔生自返金陵謫騎馬復走長安陌時危頗負經
濟才海內俱識文章客自從盜賊近神京四海不
見煙沙清黃河流血日慘怛中原戰骨霜縱橫朔
方兵馬又已弱天下財賦難盡權書生不得言世
務大臣誰有匡時略我到長安訪交友子與河內

猶相厚感君戀故有綈袍吐膽傾心共杯酒六年
更見玄都花萬事空傷薊門柳河內憂時未解顏
子亦談兵不輟口金礦玉璞隱光曜紫氣龍泉鬱
盤久議論反遭時輩忌形容豈免流俗醜王良伯
樂不在御驂騶騷裒徒能走人言古人未可輕古
人往往皆無成子雲老大不曉事殷浩當時空有
名事去惟應嗟白首時來未必濟蒼生即今風塵
尚瀕洞羽檄飛符遞相送西北山河戰角悲東南
天地軍麾動江海未見魯連恥朝廷不聞賈生慟
塵埃早知才質殊霄漢况觀名聲重闕宮清廟待

琴瑟大厦明堂要梁棟天生公等世所須努力他時有大用

憶昔行

并序

予上京師之二年汝正有湖南之行新政弛廢故人幾何晤語未諧離告又即愴然悲歌不能自己感念往昔要之將來耳

憶昔長安相會日君方壯年我年小只今容顏有更變何況世事無紛擾先帝衣冠半零落十年賓友全稀少君今始作紫微臣笑我金門落魄人馮唐上書亦歎老子雲識字空愁貧豔陽三月桃李

耀君非壯年我非少花開酒熟君遠行可惜春風
阻歡笑明星迢迢車關關遙向楚水辭燕山但看
朱紱在腰下莫使白髮生顧間武昌城邊江色澱
襄陽漢水尤堪羨東行何日訪鱸魚南飛不得隨
鴻雁少癖山水耽雲松兩年楚上多行蹤浮湘直
下三千里望岳遙瞻七十峰知君跌宕輕駟馬顧
予豈是功名者安得浮沉帝座傍會須覽眺蒼梧
野蒼梧風煙秋色開武昌高樓吹笛哀帝乘白雲
去不返仙人黃鶴何時來君行訪古兼化俗長楫
輜軒指南極岸上遊穿羆虎林潭中坐傍鼃鼃國

他時儻覓桃花源北風爲爾傳消息

田子行

君不見黃河西來北入海千載却倒東南流淮水
如絲納九曲桐柏山作崑崙丘我家清淮邊君家
大河側開闢二水今合同人生變化無南北田子
之生河降神十五手掣生麒麟二十辭家觀國賓
三十謁帝爲近臣赤墀青瑣日月上金馬銀臺河
漢津自矜一身遇明主便欲登天叩天鼓天門晝
開守虎豹雲師屏翳雷公怒煙氣縹緲隨飛龍電
光閃爍笑玉女太清星辰下羅列歟忽闔闔生風

雨丹誠不回，白日照杞國。憂天獨勞苦，我持彤管。
雙鳳翎浮沉，帝傍近紫庭。文園著書久，消渴據地。
酣歌常不醒，長安少女花。在側茂陵美，妾空娉婷。
漢皇不好相，如賦方朔。誰知是歲星，愛君襟期特。
奇邁諫垣給舍，持風采平生。古今開萬卷，搖筆風。
雲動五彩，致君堯舜。豈無術許身，稷卨終難改袖。
中一札諫獵書，三歲磨滅未見採。鍊石何時更補。
天銜沙枉自思填，海君不見楚人當時不識玉海。
客無心採明月明珠，暗投反按劒白壁三獻還遭。
別連城高價後始定，照乘奇光有時發。鳳凰不及。

鴟鴞鳴驚駘却笑驂騑拙君不見長孺從來歎積
薪公孫布衣爲漢臣千秋開口取卿相董生白頭
甘賤貧萬言不如一言重直絃曲鈞安可論賈生
何能善絳灌任安徒事衛將軍我今與子俱落魄
過飲悲歌慨今昔咸陽酒客五花馬邯鄲博徒千
金擲古來豪俠亦可喜可憐聖賢皆厄塞豫章千
雲世希用龍泉貫斗人難識神駿翻爲轅下駒冥
鴻已愧雲中翼出門與子常相憶清淮大河見顏
色

樂陵令行

山東郡縣一百八無有一城無戰場到今漂血成
野水如山白骨橫秋霜雲臺功高將不收投筆亦
有書生謀黃金大印賜豪貴白面豈得言封侯唐
朝公卿集如雲平原太守名不聞二十四城見賊
走抗賊乃是平原守君不見前者寇盜時縣吏州
官各亡命北梁白馬終日行濟上黃旗錯相映不
聞開門戰但聞開門迎嗟乎平原太守樂陵令

少谷子行

少谷子在武夷之山二十抱策叩燕關朝排闥闔
暮湖海九霄萬里身翻攀豈徒聲名冠帝里要使

踪跡窮人寰竭來京華始一識意氣形神兩相得
肺腑真成水石痼詞章亦帶煙霞色龍姿鶴性不
易馴海思江情浩無極頃將東遊觀岱宗便欲下
泛滄溟中鼉風奔浪巖洞黑鰲日壓山樓觀紅南
浮江淮覽吳越復上會稽探禹穴去鳥晴生雁宕
雲飛虹夜躡天台雪波濤窈渺岑嶸移遍訪名山
入武夷仗劒不憂百怪出采芝或得羣仙隨只今
妙年始三十辭官讀書志何逸九曲煙花對草堂
三山蘿月開芸室已看鳳凰在千仞回首驂騑空
萬匹八月高城氣稍勁流螢木葉交相映燕山遊

子落日吟海濱歸客秋風興他日遙尋少谷峰武
夷莫作終南徑

遠遊篇送楊中舍承家雲南省墓

君不見昆明池去京一萬里山盤海曲在天上日
轉星旋羅地底生神發秀千百年太宰源流自茲
始七歲辭家朝帝京登台踐斗榮身名水木更起
丘原情請帝帝遣中書行中書此行天子重赤車
駟馬都人送岳樓畫錦湖光開京口春帆江色動
瀟湘鼉鼉經水國衡巫瘴癘雲來黑銅柱標南問
南紀錦官城西指西域揮毫憑軾驚蠻夷却似太

宰中書時相如使蜀人同羨遷史浮湘志自奇憶
昔滇中爲使者黔公宴我滇山下酒罷曾彎壯士
弓賦成尚倚將軍馬今日看君萬里歸山川草木
倍光輝公卿禮數古來少父子聲名天下稀五華
岡頭日朝放點蒼山北雲如障遠遊可樂須早還
帝里親闈兩相望

送五清先生赴浙江提學歌

天台文宿衝紫霄先生奉敕馳星軺越山桃李花
萬樹春色早渡錢塘潮憶昨先生遭斥逐漂泊湖
湘望巴蜀九江鴻雁春冥冥七澤龍蛇畫盤曲洞

庭天高急霜霰冰河雪岸開燕甸北來驄馬一日
聞傾都走識先生面十年卜築楚村墟萬里今瞻
漢宮殿當朝門生貴不少先皇學士人猶見金門
誰留供奉班銀魚舊錫恩榮宴長安春回獨回首
煙漸入龍池柳薊門禹穴自此分送餞先生百
壺酒丈夫輶軻心不疑賢聖流離古來有已看身
作指南車况復名高懸北斗隋珠和璧世珍重眼
前點毀難動聖人不久奏雲門海內近亦求梁
棟琴瑟須聆清廟音豫章且待明堂用我聞衡嶽
與天參七十二峰江漢南不然從此可棲息無使

天柱石鼓空巉巖

相逢行贈孫從一

長安風吹萬楊柳與君走馬相逢久
昨朝邂逅尊酒間二十年來一回
首我官十年前君官十年後
眼底相看已壯齡世間萬事真翻手
憶初少小來東曹君家兄弟同遊
遨尚書庭前兩玉樹白日爛
爛秋風高爾時見君氣已豪
花顏雲髮青錦袍石麟在天動
鱗甲赤鳳排雲生羽毛只今骨
格殊恒調傾都見者嗟英妙恨
不置之玉堂賓誰令久待
金門詔永嘉山水稱絕奇且
與謝客同襟期花裏

開簾仙吏出花間著屐山人隨尚書風義古無比
如君更是尚書子尚書東山閒白雲高臥不爲蒼
生起漢庭我亦東方生悵望名山無限情海雲浩
歌起春色送爾萬里東南行

李大夫行

君不見大梁李進士年未三十官大夫金鍾翠釜
識國器汗血飛黃看過都昨來走馬長安道一日
聲名盡傾倒墨卿學士競迎致搖筆登壇爲揮掃
盧前王後不足論曹劉沈謝升堂早我方避世金
門前君獨時時問草玄金聲一擲天台賦鳳沼常

留春草篇憶年二十當弱冠結交四海皆豪彥文
章天上借吹噓酒杯人中迴顧盼十年流落失邊
李詞場寂寞希篇翰自從去歲得李薛令我倡歎
增顏色對坐相看兩鳳毛破圍實藉千軍力安陽
崔史文絕倫意氣頗與二子親蘇臺徐卿愛才者
曲巷往往停車輪斯文在天未墜地我輩努力追
前人波頽瀾倒挽一髮鯨翻鼇擲爭嶙峋薛生歸
釣黃河岸君亦遙維沔川纜霄漢終還五馬車江
河暫解雙龍劍古來丈夫或未偶畏途輒軻無不
有李廣羞過灞上亭賈生愁醉長沙酒倘遇馮唐

老見君一言更薦雲中守

劉武選百鳥圖

嗚呼鳳凰不可見人間百鳥空啁啾西飛鷓鴣雀亦
五色滿眼誰別裊鸞儔劉侯此圖愛者衆畫手莫
識元與宋粉繪剝落絹素新萬羽千毛尚飛動侯
言此畫先人傳珍藏未肯充南貢十襲翻令錦繡
輕百年轉見丹青重頃來數相見手攜登我堂開
圖見百鳥從此雙鳳凰黃鳥黑隱可辨行鳬立
鷺遙相望延頸戢翼各拱向宛如萬國臣妾朝天
王君不見蜀道阻絕岐山已頽瀟湘無人衡岳崔

鬼竹實未結桐花不開鷓鴣怨杜鵑哀鳳兮鳳兮
何時來

畫竹

殷君示我林垵竹臨風寫雨奪天巧尺縑蒼筤只
兩根氣勢已覺千林少蚪蟠鳳起倏有神出雲入
霧何縹緲聞君魯門西草堂萬竿白日森煙霜怪
道君身瘦如竹只對此君不食肉

吳偉江山圖歌

吳偉老死不可見人間畫史空嗟羨吾觀此卷江
山圖飄然意象凌虛無想彼濡毫拂絹素酒酣落

筆神骨露萬里青天動海岳空堂白日流雲霧洲
傾岸側波嶺銜島嶼倒影翻源潭江邊萬舸一時
發中流颭颭開風帆崩濤湧浪勢難久漁子舟人
各回首去雁遙知七澤中落花誤認桃源口煙峰
蒼茫貌二叟面髮衣冠頗粗醜石林沙草恣點染
舒卷滄洲在吾手憶昨弘治間偉藝實絕倫供奉
曾逢萬乘主招邀數過諸侯門京師豪貴競迎致
失意往往遭呵嗔由來能事負性氣轆軻貧賤終
其身嗚呼吳生豈復作身後丹青轉零落殘山剩
水片紙貴百金購之不一得此卷流傳天地間我

即見汝真顏色

畫馬行

畫馬如畫龍縱橫變化當無窮吾觀月山子落筆
窺神工曾向天閑貌十馬十馬意態無一同此馬
傳來幾百年古絹猶開沙漠風樹裏河流新過雨
簇簇草芽寒刺水圍人雙牽臨水邊草色離離亂
雲綺令人疑到渥洼傍波底風雷鬬龍子細看不
是白鼻騮恐是當朝獅子花紫燕纖離各惆悵其
餘駑劣何足誇憶昔愛馬不惜千金貨君王勤政
樓頭坐胡奴黃衫雙繡鞞廐中騎出樓前過紅帕

初籠汗血香玉鞭輕拂桃花破吁嗟玩物竟何益
遺跡徒使丹青描只今烽砲西北來沙場未聞千
里才千里才固有時回頭爲問御者誰君看赤驥
與騏驎挽車太行嶺心期田子方踟躕駕轅頃霜
凋苜蓿漢郊冷骨折秋風自嘶影君不見古人養
馬如養士一飽能酬千里志今人養馬如養豚廐
下常堆蒺藜刺古之良馬何代無可笑今人空按
圖

畫山水

蜀溪繭紙明如練并州剪刀碧雲斷泥金作繪誰

所爲華堂粉壁光凌亂
枳花竹葉春江曲江頭無
人水空綠逶迤石徑林中出
草碧沙明淨江日欲
覓秦人武陵下不見溪邊種桃者
高樓窈窕鎖煙
霧只疑行盡瀟湘路瀟湘却憶舊時遊
紙上煙波
生暮愁

題文與可畫竹上有東坡山谷題識

客從南方來見予手持錦軸長丈餘云是與可之
畫蘇黃書中堂展玩思超忽四百年來真故物敗
素飄零色已改古墨慘澹神猶發文生此竹世稀
有一枝不異雙瓊玖冥冥煙幹動石壁瑟瑟風葉

臨窻牖筆下何須掃萬竿胸中已自橫千畝睂山
長公元擅塲豫章太史誰可當片言相推四海重
隻字尚使千年藏客從何處得此幅令我嗟歎久
憐惜蘇黃不作與可死人間書畫無真跡勸君寶
此勿輕擲

題黃車駕畫竹

畫竹忌屈不忌直息齋由來有筆力今之畫圖幾
百年人間尚自留真墨空堂畫挂風雨寒明滅纖
霧生微瀾細觀見竹不見畫何時石上削此三琅
玕八閩高士黃司馬平生好文兼愛畫碧草停珂

夏省中白雲捲幔晴窗下每逢賓客出評品遂使
破素增高價開圖似惜孤鸞叢胡爲寫置荊棘中
君不見洞庭之上瀟湘岸翠篠修篁沙草亂鳳凰
不棲鷓鴣怨

吳偉飛泉畫圖歌

長安獨過田子舍留我一玩飛泉畫絕壁如聞風
雨來晴天安得蛟龍挂吳生跌宕得畫理潦草落
筆皆可喜飛泉却出沓障間山即真山水真水客
堂六月生畫寒耳中髣髴高江灘源潭窈窕不可
測波浪洶湧多奇觀泉邊二老顏色異偶坐似是

莊與惠萬里誰論到海心百年詎識臨淵意偉哉
田子今儒宗文標南指匡廬峰不須對此更惆悵
會觀瀑布青天上杉風松日隔縹緲雲瀧雪瀨何
雄壯我常夢往神空白豈無吳生好手筆爲我寫
寄廬山障

題大司馬王晉溪先生十牛圖

君不見將軍臺閣龍圖張何人畫牛司馬堂十牛
戟角垂其耳挂之中堂見者喜風林煙草恣牧放
水涉煙眠無觸觶黃犍黑牯觔肉真司馬堂中安
用此豈知此物公所珍展畫似對桃林春高亭青

松拂赤日南山白日消黃塵攻駒不羨三千牝考
牧還歌九十特尚書況登本兵部天營十二屯貌
虎南征北伐運籌策破虜擒戎在樽俎已看神武
藉經綸要使蒼生有環堵蒼生十年望蘇息海內
荒城久荆棘犁鋤未慰三農心輸輓空嗟萬夫力
我知明公分主憂坐清寇盜安王侯沙場之地皆
田疇盡却戰馬歸耕牛君不見中堂此圖日張挂
丹青照耀麒麟畫

點兵行

先皇簡練百萬兵十二連營鎮京觀團營十萬更

精猛嗚呼耗滅今無半昨傳胡入白楊城有敕點
選營中兵軍中壯丁百不一部遣老少從征行自
從御馬還內廐私家馬肥官馬瘦富家輸錢脫籍
伍貧者驅之充甲冑京師土木歲未已一身百役
無不受禁垣西開鎮國府內營晝夜羅金鼓四家
驍健三千人出入扈從圍龍虎邊頭城塹誰營屯
遂使犬羊窺北門天清野曠恣剽掠百里之內煙
塵昏肉食者謀無遠慮倉皇調發紆皇顧卽今宣
府大失利殺將覆軍不知數遼東兵馬久已疲朶
顏反復非前時又聞迤北外連結朝廷坐失東藩

籬往時京邊士苦樂今頓異且如私門卒食糧日
高坐此兵昨一出見者淚交隨從令荷戈趨戰場
身上無衣腹饑餓君不見府中搥牛宰羊猪穿域
蹋踘行吹竽高馬肥肉留京都可憐此兵西擊胡

柳絮歌

長安三月百花殘滿城飛絮何漫漫千門萬戶東
風起陌上河邊春色闌美人高樓鎖深院白花濛
濛落如霰晴窗窈窕朝日遲亂入簾櫳趁雙燕遊
絲相牽時裊裊委地飄廊不須掃君不見江頭綠
葉吹香綿隨波化作浮萍草

明月篇

并序

僕始讀杜子七言詩歌愛其陳事切實布辭
沉著鄙心竊效之以爲長篇聖於子美矣旣
而讀漢魏以來歌詩及唐初四子者之所爲
而反復之則知漢魏固承三百篇之後流風
猶可徵焉而四子者雖工富麗去古遠甚至
其音節往往可歌乃知子美辭固沉著而調
失流轉雖成一家語實則詩歌之變體也夫
詩本性情之發者也其切而易見者莫如夫
婦之間是以三百篇首乎雝鳩六義首乎風

而漢魏作者義關君臣朋友辭必託諸夫婦
以宣鬱而達情焉其旨達矣由是觀之子美
之詩博涉世故出於夫婦者常少致兼雅頌
而風人之義或缺此其調反在四子之下與
暇日爲此篇意調若髣髴四子而才質猥弱
思致庸陋故摘詞蕪素無復統飭姑錄之以
俟審聲者裁割焉

長安月離離出海嶠遙見層城隱半輪漸看阿閣
銜初照潏潏黃金波團圓白玉盤青天流景披紅
蕊白露含輝泛紫蘭紫蘭紅蕊西風起九衢夾道

秋如水錦幌高寨香霧開瑣闌斜映輕霞舉霧沉
霞落天宇開萬戶千門月明裏月明皎皎陌東西
柏寢岩堯望不迷侯家臺榭光先滿戚里笙歌影
乍低濯濯芙蓉生玉沼娟娟楊柳覆金堤鳳凰樓
上吹簫女蟋蟀堂中織錦妻別有深宮閑深院年
年歲歲愁相見金屋螢流長信階綺櫳燕入昭陽
殿趙女通宵侍御牀班姬此夕悲團扇秋來明月
照金徽榆黃沙白路逶迤征夫塞上憐行影少婦
窗前想畫睂上林鴻雁書中恨北地關山笛裏悲
書中笛裏空相憶幾見盈虧淚沾臆紅閨貌減落

春華玉門腸斷逢秋色春華秋色遞如流東家怨
女上妝樓流蘇帳捲初安鏡翡翠簾開自上鈞河
邊織女期七夕天上嫦娥奈九秋七夕風濤還可
渡九秋霜露迴生愁九秋七夕須臾易盛年一去
真堪惜可憐揚彩入羅幃可憐流素凝瑤席未作
當壚賣酒人難邀隔座援琴客客心對此歎蹉跎
烏鵲南飛可奈何江頭商婦移船待湖上佳人挾
瑟歌此時憑闌垂玉筍此時滅燭斂青蛾玉筍青
蛾怨緘怨緘怨含情不能吐麗色春妍桃李蹊遲
暉晚媚菖蒲浦與君相思在二八與君相期在三

五空持夜被貼鴛鴦空持暖玉擎鸚鵡青衫泣掩
琵琶絃銀屏忍對箜篌語箜篌再彈月已微穿廊
入闥靄斜輝歸心日遠大刀折極目天涯破鏡飛

邯鄲行

邯鄲道上車馬多行人夜火渡漳河邯鄲女兒年
十五能彈琵琶善歌舞青燈朱戶夜當鑪鑪頭酒
熟喚客沽玉壺青絲爲君繫不妨醉向邯鄲途君
不見邯鄲市昔日繁華安可擬鳴鸞佩玉青雲間
鬬雞走馬紅塵裏平原門前客如雲千載淒涼竟
何是黃金白壁成飛灰歌樓舞榭空流水傷心萬

事俱可嗟草長叢臺白日斜廢苑當時在何處舊
宮今日作誰家古來富貴俱寂寞有酒尊前胡不
樂

玄明宮行

君不見玄明宮中滿荊棘昔日富貴今寂寞祠園
復爲中貴取遺構空傳孽臣作雄模壯麗凌朝廷
遠勢連袞跨城郭憶昨己巳年來事秉權自倚薰
天勢朝求天子苑暮奪功臣第江艘海船送花石
戚里侯門擁金幣千人力盡萬牛死土木功成悲
此地碧水穿池象溟渤黃金作宮開日月虹蜺屈

曲垂三梁蛟龍盤擎抱雙闕城中甲第更崔嵬親
戚弟兄皆閥閱撼里歌鐘賓客遊排門冠劍公卿
謁生前千門與萬戶死時不得一丘土石家遊魂
泣金谷董相然臍歎鄒塢宮前守衛無呵呼真人
道士三四徒石戶蒼苔生鐵鎖玉階碧草搖金鋪
星宮晝開見行鼠日殿夜禱聞啼狐遊客潛窺翠
羽帳市子屢竊金香鑪桑田須臾變滄海桃樹不
復栽玄都我朝中官誰最貴前有王振後曹氏正
統以前不得聞成化之間未有此明聖雖能斷誅
罰作新未見持綱紀天下衣冠難卽振中原寇盜

時復起古來禍亂非偶然國有威靈豈常恃玄明
之宮今已矣京師土木何時止南海猶催花石綱
西山又起金銀寺君不見金書追奪鐵券革長安
日日迎護勅

修竹篇

君不見真翁堂下竹貫日干雲千尺高亭亭萬木
避霜色颺颺空巖迴翠濤平生直節本無偶手栽
琅玕種瓊玖風月何曾忘此君松梅况自稱三友
東曹郎君翁所奇節概更與翁名齊神龍昔向滄
波化彩鳳今從玉樹棲高堂茲辰開壽籙却洗金

盤對春竹寬旌畫下仙人車雲管宵停羸女曲翁
家舊住上林西托根自近蓬萊池雪崖冰柱映樓
閣雨露常沾萬歲枝

同李進士觀銅雀硯歌

君不見鄴中魏帝無宮殿千秋遺瓦磨爲硯墨客
騷人空歎嗟朱甍綺構誰曾見李君好古精鑒別
冬天拂拭開煙雪虛堂叩之哀玉音泥沙洗出黃
金屑廣州紫石鸛鵲眼歛山龍尾何希罕濡藻光
迴星漢垂蟠花背刻龜螭斷共憶高臺羅綺春翠
眉豔骨飛黃塵提攜故物悲年代感慨新章泣鬼

神君不見臨漳此物難復覩河沉岸圻求者苦縣
人相傳爲厲古嗚呼日掘西陵土

子昂畫馬歌

學士宋王孫畫馬皆龍姿曾寫飛黃出天廐尚留
雲影落瑤池池頭馬官錦鞞袴緩鞚長牽時拂顧
萬里精神開綃素百年毛鬣生風霧吁嗟內乘無
人識想見奔騰過都國翠仗朱軒數往來金羈玉
勒增顏色只今天子罷南征又聞東巡遼海城安
得四馬忽然生登臺一顧千金輕天上常隨八駿
行

梁園風雅卷七